



Da sanester: Ursin Camenisch, Dario Jemmy, Pascal Levy, Michael Halter e Dario Hess.

FOTO M. CASUTT, MAPLE PRODUCTION

Da Castrisch cun schlantsch e... toppas lomas

■ (rtr) Il 38avel Top Pop Rumantsch da RTR Radiotelevision Svizra Rumantscha preschenta ina giada dapli ina veritabla band. Il quintet sursilvan Satöry chanta «Tuttina (tgei che vegn)». Il nov Top Pop Rumantsch è vegni preschenta ier, ils 15-01-2015. Lur idols musicals èn da chattar tar AC/DC u tar Motörhead, lur lingua è pia in hardrock direct e puramain anglais, e perquai fan ils Satöry sursilvans surstar cun lur participaziun a la retscha da Top Pop dal Radio Rumantsch.

Lur chanzun «Tuttina (tgei che vegn)» è ina ballada amiaivla che sa mova tranter folk, country e softpop, purtada da ghitarras levas e da chors allegraivels, palesond in messadi positiv ed avert: «Vina von mo vinavon nuot enta peis». Il quintet è vegni fundà avant passa trais onns, ils musicists vegnan or da l'entira Surselva e s'entaupan mintgamai a Castrisch per las provas, lur professiuns tanschan dal spazzachamin sur il camiunist enfin tar il student da giurisprudenza.

Il num da la gruppa han els emprestà dal giapunais, dond al «satori» oriund, quai che munta «illuminaziun budisti-

ca», ina stgirentada ed in ipsilon sco marca per il gener dir – Satöry. Avant dus onns è gia cumparì l'emprim album da la band («Revelations»), vers primavaira duess suandar il segund. E cun il schlantsch actual speran ils Satöry da concertar bainprest er ordaifer ils cunfins da la Surselva.

musica: Satöry

text: Pascal Levy, Benedetto Vigne, Roland Vögtli

produenziun: Roland Vögtli, Manfred Zazzi

Top Pop Rumantsch è ina seria da produenziuns da musica nova ed actuala, lantschada da RTR Radiotelevision Svizra Rumantscha l'onn 2005. Tut ils titels da la seria èn d'udir sin la pagina d'inter-net da RTR sut: www.rtr.ch/home/dossiers/actual/Top-Pop-Rumantsch.html

Las emprimas 30 chanzuns èn er disponiblas sin ils discs cumpacts Top Pop Rumantsch vol. 1 & 2 ch'èn da retrair tar: RTR, Via Masans 2, 7002 Cuir.

Dapli infurmaziuns:

Radiotelevision Svizra Rumantscha
Flavio Tuor, manader redacziun da musica RTR
Tel. 081 255 75 75 / e-mail: favio.tuor@rtr.ch